

民國六年春仲

逆證彙錄

葉高崧署



# 逆症彙錄跋

人生之處世有順境即有逆境醫者之治病有順症亦有逆症治順症易治逆症難治逆症而轉逆爲順尤難譬諸良相之治國不遇天運人事之奇變何足見調和鼎鼎之才迨至化險爲夷轉危爲安始共驚爲補天之手不知其變理陰陽煞費苦心也久矣醫之爲道亦應如是吾師憩雲先生外科高手也閱歷四十餘年專研究瘡瘍諸症其於順症治愈者約有數十萬計獨於逆症之變幻不避嫌怨內外兼施必期轉逆爲順而後快非敢謂盡白骨而肉之也其救世之婆心亦加人一等今觀其所著逆症彙錄一書詳細註明俾後之學者一目瞭然不致如盲人騎瞎馬冒昧從事是則先生區區之微衷也是爲跋

中華民國五年桂月

受業李恩第錫卿



逆症彙錄目錄

一常姓腦疽

二楊姓腦疽

三王姓腦疽

四王婦腦疽

五湯姓腦疽

六邵婦腦疽

七郭姓腦疽

八王姓腦疽

九王婦腦疽

十白姓上搭

十一朱姓腦疽

十二張姓腦疽

十三施姓發背

十四谷姓女子瘰癧

十五牛姓跳血瘤

十六韓姓氣疽

十七路姓流注

十八馬姓腰俞流注

十九陳姓肚角流注

二十張姓肚角癰

廿一邊姓女鎖口疔

廿二方姓鎖口疔



廿三何姓痰串

廿四張姓肚角癰



逆症彙錄

一常姓患坎頭瘡起六七日即邀予治見其年紀不過四十上下形神困頓面色天然不澤後項自覺沉重異常俯仰不便轉掉不能形寒身熱納穀不多溺赤便溏岬沉無力瘡頭已上西藥病家深信西醫不願揭看察其瘡口僅大如銅子四圍色黯不華杳不知疼此腦疽逆症於法宜用陽和湯溫化然病者自信有火不敢稍沾熱藥予見其信而不堅不便強爲祇可先與清解用銀花浙貝橘葉桔梗青蒿甘草首烏茄蒂等化其鬱熱次日並未邀診越七八日復邀予治詢知予方僅服一劑每日惟服外洋藥水而已斯時瘡頭已洗去西藥因西藥內服外搽杳不奏功似乎不信西醫矣然瘡頭大前十倍上入髮際下沿背脊橫亘兩耳根渾如斜掛雙茄皮色與茄皮無異予閱畢即縐眉蹙額告病家曰病勢如此無法挽回適案頭有其友人函內附方一紙細閱乃回生集三香定痛飲成方予曰成方雖好應外敷鯽魚膏內外並用或可奏功今日已來不及明早可買活鯽魚兩尾

白蜜一兩剝頭鋪頭垢四五錢三味一同搗爛聽用今日暫用木香紫草桔梗當歸石決明炙乳香沒藥陳皮甘草等服一劑次日即照上法內服外敷連三天右耳後略見稀膿擠不出祇可聽其自流看不出瘡口准在何處於是改用參芪當歸銀花肉桂甘草等大劑托之連三劑正膿依然不見且胸腕板悶氣短神疲瘡色紫黯如楮子力辭不治病家再三央懇不得不勉設一法用黨參鹿茸當歸黃芪於朮紫草忍冬藤甘草次日不但不見功效反添氣羸痰逆聲如拽鋸予至此心力交瘁堅不擬方友方從旁聳恿勉用生脈飲以盡人工越日而歿

此係險惡逆症縱予一手經理亦未必煞有把握錄之爲後學廓一眼界

一楊姓年六十五初秋患腦疽病起匝月易醫五六位病勢垂危始邀予治入門見其形容枯槁呻吟之聲不絕於耳詢知昨前兩日瘡口僅流鮮血成盆盈碗兩腿痠疼不能轉掉伸屈後腦滿用油紙罩護用指揭開血如泉湧遂用紙沾涼水貼上連易數次視其瘡頭塌陷寬四寸長七寸橫亘腦後既無正膿亦不知疼痛

神識昏蒙語言錯亂不思納穀夜不成寐虛汗淋漓診得兩手脈象洪大無倫舌苔焦黑溺短便澹病勢如此危殆已極萬無生望予辭不治病家親友一再哀求不得已外用玉紅膏油紙攤貼內用黃芪皮浮小麥煨牡蠣硃寸冬茯神鮮石斛沙參忍冬籐丹參當歸蓮子心甘草等煎服次早病家來寓喜形於色謂予曰昨夜能睡覺腿不疼汗止瘡口血亦不流略進飲食總算大見功效今日務請先生早臨午後余往診視見病人滿帶晦滯見予即伏枕稽首曰先生救我救我一人即救我一家蓋病者上有老親下有妻孥寡媳平日恃此一人爲生計無奈病入膏肓不能藥餌細閱瘡口仍無正膿雖不流血尙津血水實無法挽回勉擬參芪銀花當歸鹿角膠肉桂白朮紫草甘草等大劑托化次日又邀予診見瘡口依然塌陷生氣毫無脈細如絲呼吸間脈僅一二至陰陽已脫不能立方囑病家趕備後事不過三兩日耳嗣聞復延他醫治之越三日而歿

此病延予已晚初服藥稍見功效如鎖投簧隨即通開無奈鎖簧已斷縱鑰

能通到已成廢物有何益哉

一王姓男子年七十六七月間患腦疽起月餘始邀予治見其端坐炕頭口吸紙煙精神矍鑠而且面賽壯年頭髮間一二花者舉止言談毫無病狀伸手就予診脈浮取則無沉取細小如絲一呼吸僅二三至經所謂形氣有餘脈氣不足者是診畢細閱患處見其瘡口大如寸碟平腫不高不知疼痛瘡口中間僅流粘水四圍薄皮剝起揭去浮皮露如帶子蜂房難以數計外用海浮散攪疽藥摻之用松香膏攤紙罩之詢知飲食如常二便通利乃用芪黨銀花連翹白芷山甲桔梗當歸甘草等大劑托化次日瘡口見高稍覺疼痛仍照昨方加炙乳沒各一錢服後瘡口益高稍見稀膿再照前方倍重服之其帶子蜂房者俱流正膿精神飲食與常人無異滿擬此病無甚兇險循序調之收功在邇忽隔三四日不通音問予甚詫異逆料此症決無變故第五日早遣僮相邀予詳詢來人究係何故謂予曰日來病勢大不如前予急詢何故來人吞吞吐吐不肯直說予一再盤問乃告予曰

家主向嗜阿芙蓉膏日需一二兩現在禁煙功令森嚴有人唆使禁烟局查知日夜派人梭巡以故不敢開燈吸煙已三日每日惟吞煙泡遂致大便溏泄晝夜廿餘次飲食不思夜不安臥現在已挪移他處今日務請先生隨往予心中疑信相參勉同往視意欲攷其究竟入門見病人迴不如前形神恍惚言語支離知不能治立即告辭病家再三哀懇謂病勢如此不但先生知難挽回即合家亦明知病不能起請先生診者無非盡兒女之心今日無論如何請開方以盡人事服藥好固我一家之福如不好我們心總盡到與先生無涉予不得已勉用人參於朮山藥扁豆澤瀉茯苓炙粟壳甘草等煎服瘡口暫不揭看次早病家又邀予診稱今日大好說話有精神溏泄減去大半務請先生早去予曰不必再看枉費銀錢來人曰我家少主人很明白病勢早知不好衣衾棺槨業已預備多時先生治好固好不好亦不埋怨先生先生何妨隨往一診予聆其言之有理遂偕前往進門見病人很有精神面色亦光潤惟不如前之豐富耳診其脈象和緩有神看其瘡色

黯淡不華仍難挽救改用人參鹿茸黃芪於朮山藥芡實扁豆苡仁甘草等囑服兩劑嗣聞予走後有至友某力薦某醫能治遂不服予方任某醫調理不旬日而歿

此有大烟癖雖患外症而死名死於病實死於煙耳

一王姓婦年四十五六深秋患腦疽起兩旬纔邀予治見其面目黧黑若有隱憂項如繩縛不能轉掉舉揚後腦沿右耳後約寬三寸長四寸上流稀膿血水看不出瘡頭但見一片紫黯狀如煮熟猪肝疼痛不時形寒身熱口苦唇焦二便閉結夜臥不安不思飲食常想喝冰水嘔沉數苔焦黃種種病情邪已入裏殊屬危險先與黃連消毒飲化其積熱外用十寶散香油調上次日邀診瘡色與昨日無異外仍上前藥形寒身熱已去亦不想喝冰水惟大便溏泄多次遂改用土炒白朮山藥炒苡仁野黨參茯苓肉桂丁香炮姜蓮子紅棗等煎服後諸病若失次日瘡上仍敷前藥內用製附片野黨生芪炒於朮木香紫草當歸桔梗甘草等連服三



劑瘡色漸轉紅活惟無正膿納穀不多夜間睡着時常覺手足搐搦驚惕旁人見之轉詢病人毫不覺也遂改用生龍齒製半夏天竺黃白茯苓整廣皮竹茹炒枳殼琥珀甘草硃拌燈草等煎服此方服後驚惕已愈納穀稍多瘡頭有口略見正膿不甚稠粘瘡口改用海浮散攪疽藥摻之內服蛤粉炒正號鹿角膠生口芪野黨參土炒白朮紫草肉桂附片當歸忍冬藤甘草等連服七八劑瘡口已露肉牙四圍頑腐已脫第臭穢不堪令人掩鼻瘡口改用二妙散麻醬調和攤紙貼之日易一次內服黨參黃芪白朮忍冬藤白芷當歸肉桂橘葉甘草等連服五六劑瘡口新肉已平胃氣大開每飯必食鮑魚燉火腿無此則飯食減半病家仰體病者之意謂非此不能多進飲食即不加約束較無病時多食半碗初二三日無妨日久漸覺肚腹痞脹飲食日減遂邀里中某醫治之用萊菔子南查檳榔枳實焦神糶等一派破氣消導之藥服後大瀉多次遂不能進飲食舉家驚惶無措復邀予診並詳述前後情形見瘡口業已塌陷精神疲軟氣短語蹇予頓足曰危矣殆矣

無法可施疽家親友滿堂無不痛詆某醫用藥之孟浪有謂宜用人參補氣者有謂宜用鹿茸回陽衆口紛陳莫衷一是予反慰之曰此病予初閱時如何形色如何脈象在病本不能治嗣用藥投機逐漸化險爲夷眞夢想不到今遽遭此變乃命也不怨天不尤人鄙見宜趕備後事不過今晚明早無遠期也病家及親友均懇予立方予曰病勢如此縱華陀復生亦難爲力何必強投藥餌多費銀錢堅不寫方而走嗣聞次早黎明而歿

此病本係死症服藥見效與醫生場面耳逆症大都如是

一湯姓年五十一二歲春間患腦疽起月餘始就予治見其項間髮際破口三處大如桃小如李似潰非潰擠之輒流鮮血毫無膿意頭頂如火癰者六七枚均破有流血者有微津膿者據述自起病以來晝夜不能合眼疼痛渾如火燎頭頂如負重石寒熱不時納穀甚少易動肝火侍病者時被呵叱診脈左手沉細右手如新張弓弦舌苔灰膩二便不通此腦疽逆症無法可施瘡頭滿用十寶散香油調

上內用鮮生地柴胡橘葉郁金赤芍浙貝桔梗丹皮黑山梔甘草解其鬱火囑服  
兩劑去後五日不來默揣此病雖係死症然未有如此之速第六日又來就診形  
神困頓不堪揭看瘡頭無膿無血惟焦黑乾塌予曰如此情形何必來看轉詢如  
何致此從者在旁答曰自服先生藥後當晚安睡一宵次日多進飲食適舍親某  
見此病狀力主同至某醫院診視乃某西醫不分皂白遂將瘡頭逐一割開深僅  
二三分血流不少隨將藥布塞上以致夜間發燒譫語神昏至今日粒穀不入湯  
水不進求先生尙有法治否予曰我不如西醫遠甚彼未能治好我更無法於是  
瘡口用紅玉膏攤紙貼之堅不立方趕速抬回大都今晚決不能過嗣聞次早黎  
明而歿

此病者素患神經病一遇病症心神不定今日投張明日求李病者既中心  
無主醫者亦隨波逐流耳

一鄒姓婦年五十上下夏間患腦耳剛起即就予治腦後瘡頭僅如粟粒麻癢相

兼四圍根盤迴亘寸許頭痛項沉形寒身熱脈浮弦苔白先用荊防敗毒散去參加銀花淡芩橘葉等服一劑次日汗出身涼瘡頭漸見高大麻癢已去疼痛難受常如針刺瘡頭貼八將散四圍用金不換香油調圈內服仙方活命飲加桔梗羌活蓋病在膀胱經脈也服後頗好瘡頭不過桂圓大略有稀膿改用海浮散攪和藥摻之紙膏罩之內服生芪石決明當歸橘葉白芷炙姜蠶花粉甘草等囑服兩劑復來就診瘡頭不似前之高聳膿出不多遂改用水銀紅膏放紙膏上貼之內仍用生芪白朮當歸桔梗川芎羌活首烏茄把甘草等亦囑服兩劑去後忽六七日不來嗣從旁探詢知於前日早上已故予聞之不勝詫異急詢其故乃曰六七天前經先生看後回去病人覺心中稍有不適大都感受涼風所致遂邀隔壁某醫進辛熱發散一劑因而變病譫語神昏疼痛難忍次日復延西醫刺割流血甚多絕穀三日而死

此病本非死症病者急欲求愈醫者急於見功卒至不起急亦奚益

一郭姓男子年六十外深秋患腦疽起旬餘始邀予治見其精神矍鑠腦後僅如粟粒根盤大如盃碟平塌不高瘡頭僅流粘水形寒身熱食物欲嘔不疼惟後項發沉瘡頭用金不換香油調上內服銀花芥穗炙姜蠶浙貝連翹桔梗白芷川芎半夏竹茹羌活甘草姜等服一劑次日寒熱如故依然食入欲嘔此腦疽逆症令人棘手詢知病人胎裏素因昨方內有姜蠶服後不到五分鐘全行吐出所以藥不奏功也予聞之躊躇者再細思外科藥除山甲姜蠶蜈蚣全蝎係葷的此病蜈蚣全蝎用不上山甲乃外科要藥不用此如何領諸藥直達病所姑順病者之意免去此味瘡頭仍上金不換內改用銀花半夏桔梗橘葉竹茹杷葉浙貝母山梔甘草姜等服一劑次早復來邀診詢知今日頗見功效午後往診見病人談笑自若後項不似前之發沉揭看瘡口稍見膿意斯時瘡口已大如錢陳實功謂外面如錢裏可容拳即此謂也瘡口改上疽藥內服白芷石決橘葉當歸桔梗郁金黃芪甘草首烏茄把等囑服兩劑嗣隔十餘日門口懸掛白紙急從旁探其詳細日

前予走後親友作主邀西醫割治後淨吃雞湯牛肉汁犯戒致死予曰病者胎裏素如何肯吃親友慫恿謂吃此可以愈病愈後吃齋不遲病者難逆衆意且盼病愈心切不得不爾至此合家後悔既請先生何必改手若一手斷不致死予曰縱病家信予一手治理亦未必准有把握蓋此病關係甚大朱奉議謂腦疽不外冤孽所致言之頗近理予近年見患腦疽死者不知凡幾若無冤孽必不致死此天譴非人力也

予臨症四十年吃胎裏素者僅遇此一人開齋固死不開齋亦死此等腦疽百難活一

一王姓男年五十九深秋患腦疽起廿餘天始就予治見其形容枯槁風吹欲跌揭看後腦大如手掌平塌無膿僅流血水詢知飲食不多夜不安臥且日夜溏泄多次洩如米泔毫無約束岷洪大無倫口乾時欲飲冷少腹擗痛舌苔焦黑病勢如此已無生望勉外敷十寶散內服製附片益智肉桂白朮山藥茯苓補骨脂黨

參煨肉菓炮姜木香鹿茸面等囑服兩劑越日其公郎邀予往診詢此兩日如何情形答曰大見功效諸病若失從此可望好矣予曰不能如此容易今日不同病人前來甚好予有要言告汝汝父病實在兇險萬不能好據汝述現在情形恐係陽光返照回去趕備後事三日內決不能過乃子聞予言不覺淚流滿面幾欲痛哭予見係孝子告曰今日予勉去一診汝且不必傷心午後往診果見病人若無病然見予至俯首作鞠躬狀乃曰蒙先生救活了塘泄也止了腹痛也定了飲食也能進夜能安臥豈非大好了予診其脈察其色看其瘡上情形非陽光返照而何仍用十寶散外敷並囑照服前方臨行告其子曰病究不行早上所囑言語須趕速早辦遲恐不及乃子目瞪口呆送予脈禮堅不受嗣聞次日午後而歿大凡兇險症到臨危時必然大見功效令人難以捉摸如燈盞然油已乾火將滅忽然大放光明燈旋熄滅

一王姓婦年屆古稀春間患腦疽起六七天即就予治見其形容紅艷精神鑠鑠